

Eftirfarandi breytingar voru samþykktar á síðasta aðalfundi.

1. Lögð er til eftirfarandi breyting á 1. mgr. 5. grein laganna og 3. og 4. mgr. 5. gr.

Í stað orðanna „átta til níu“ í 1. mgr. komi „sex“. 1. mgr. orðast því svo eftir breytingu:

„Reikningsár félagsins er almanaksárið. Þó skal á aðalfundi gerð grein fyrir rekstri fyrstu sex mánuði ársins, sem er að líða“.

3. og 4. mgr. orðist svo:

„Reikningar félagsins skulu samdir af fagaðila og áritaðir af kjörnum skoðunarmönnum félagsins.

Reikningar félagsins skulu liggja frammi til skoðunar einni viku fyrir aðalfund.“

Tillaga 1 var samþykkt óbreytt.

2. Lögð er til eftirfarandi breyting á 5. mgr 5. gr.

Í stað orðanna „1. júní“ komi „1. mars“ og orðast greinin því svo eftir breytingu:

„Hefja skal innheimtu félagsgjalda í upphafi árs og stefnt að því að henni sé lokið 1. mars.

Tillaga 2 var samþykkt óbreytt.

3. Lögð er til eftirfarandi breyting á 6. mgr 5. gr.

Í stað orðann „16“ komi „18“ og orðast greining því svo eftir breytingu:

„*Peir félagar, sem náð hafa sjötugsaldri, skulu vera undanþegnir greiðslu árgjalds og félagar yngri en 18 ára greiði eigi meira en hálf árgjald*“.

Lögð var fyrir breytingatillaga.

Peir félagar, sem náð hafa sjötugsaldri, skulu vera undanþegnir greiðslu árgjalds og félagar yngri auk félagsmanna yngri en 18 ára.

Breytingatillaga á tillögu 3 var samþykkt.

4. Lagt er til að 1. mgr. 6. gr. orðist svo:

„*Aðalfund skal halda í september ár hvert. Til hans skal boðað með minnst tveggja vikna fyrirvara með auglýsingu á heimasíðu félagsins, auk annarra samfélagsmiðla að mati stjórnar. Í fundarboði skal vísað til laga félagsins um dagskrá.*

Tvær breytingatillögur voru lagðar fram

Breytingatillaga 2: *Aðalfund skal halda í september ár hvert. Til hans skal boðað með minnst tveggja vikna fyrirvara með auglýsingu á heimasíðu félagsins, með auglýsingu sem hengd upp á aðgengilegum stað, auk annarra samfélagsmiðla að mati stjórnar. Í fundarboði skal vísað til laga félagsins um dagskrá.*

Breytingatillaga 2 var samþykkt.

5. Lagt er til að ný 8. gr. laganna hljóði svo:

„*Stjórn félagsins skipa sjö menn: Formaður, gjaldkeri, ritari, varaformaður og þrír meðstjórnendur. Kjörtímabil stjórnarmanna er eitt ár og fer kjör fram á aðalfundi. Láti fleiri en einn stjórnarmaður af störfum á kjörtímabilinu skal eins fljótt og auðið er kjósa um nýja menn á félagsfundi. Munu umboð þeirra til starfa gilda fram að næsta aðalfundi.*

Stjórnir skiptir með sér verkum á fyrsta stjórnarfundi eftir aðalfund

Fundargerð stjórnarfundar skal rituð á hverjum fundi og lesin á næsta fundi. Útdrættir fundargerða skulu birtir á vefsíðu félagsins.”

Breytingatillaga var lögð fram:

Stjórn félagsins skipa sjö menn: Formaður, gjaldkeri, ritari, varaformaður og þrír meðstjórnendur. Kjörtímabil annara en formans er 2 ár og skal kosið um 3 sæti auk formanns á hverjum aðalfundi. Láti fleiri enn einn af störfum einhverra hluta vegna á kjörtímabilinu skal eins fljótt og auðið er kjósa um nýja menn á félagsfundi til bráðabirgða fram að næsta aðalfundi og skulu þeir sem þannig eru kosnir inn hafa full réttungi og skyldur sem stjórnarmenn.

Stjórnin skiptir með sér verkum á fyrsta stjórnarfundinum eftir aðalfund.

Fundargerð stjórnarfundar skal rituð á hverjum fundi og lesin á næsta fundi. Útdrættir fundargerða skulu birtir á vefsíðu félagsins.”

Breytingatillagan var samþykkt

6. Lögð er til eftirfarandi breyting á 9. gr:

4. mgr bætist við: „Formaður skal ekki sitja í stjórn nefnda, ráða eða deilda félagsins”

Tillaga 6 var samþykkt óbreytt.

7. Lagt er til að 10. gr. orðist svo:

„Ritari ritar allar fundargerðir stjórnarfundar og undirritar þær ásamt formanni“.

Tillaga 7 var samþykkt óbreytt.

8. Lagt er til að 11. gr. orðist svo:

„Gjaldkeri félagsins hefur yfirumsjón með innheimtu félagsgjalda og fjárreiðum félagsins í samráði við framkvæmdastjóra í samræmi við lög og góða reikningsskilavenju.

Gjaldkeri félagsins, í samráði við framkvæmdastjóra, skal fyrir aðalfund ár hvert gera eða láta gera árshlutareikning um hag félagsins og leggja fyrir aðalfund. Endurskoðaður ársreikningur, í samræmi við lög, skal lagður fyrir framhaldsaðalfund til úrskurðar.

Gjaldkeri, í samráði við framkvæmdastjóra félagsins, lætur skila reikningsyfirliti fyrir nefndir félagsins í samræmi við lög og reikningsskilavenju. Skulu nefndir skila framkvæmdastjóra reikningsyfirlitum eigi síðar en mánuði fyrir aðalfund“.

Breytingatillaga var lögð fram. Í stað endurskoðaður ársreikningur skuli standa staðfestur ársreikningur

Tillaga 8 var samþykkt með ofangreindum breytingum.

9. Lagt er til að eftirfarandi ný grein bætist við lögin, sem 12. gr. Núverandi 12. gr. verður þá 13. gr. o.s.frv.

„ Stjórn hefur heimild til að ráða framkvæmdastjóra fyrir félagið. Framkvæmdastjóri skal ekki eiga sæti í stjórn né sæti í lögbundnum nefndum félagsins. Stjórn semur við framkvæmdastjóra um starfsskyldur og endurgjald fyrir starfann. Gera skal skriflegan ráðningarsamning við framkvæmdastjóra. Framkvæmdastjóri heyrir beint undir stjórn félagsins og framkvæmir ákvarðanir stjórnar og gætir þess að starfsemi félagsins sé í samræmi við stefnu stjórnar og lög félagsins.

Framkvæmdastjóri annast jafnframt daglegan rekstur félagsins og heldur utan um fjármál þess í samráði við gjaldkera stjórnar. Meðal helstu starfsskyldna framkvæmdastjóra teljast jafnframt, umsjón með útleigu, samskipti við stjórn, félagsmenn, nefndir félagsins, fjölmiðla, og hagsmunaaðila. Viðburða- og verkefnastjórnun vegna atburða á vegum félagsins og þjónustu við félagsmenn og utanumhald um félagatal.

Stjórn félagsins kveður nánar á um starfsskyldur framkvæmdastjóra í ráðningarsamningi hans.

Framkvæmdastjóri situr fundi stjórnar, að hennar ósk, en hefur ekki atkvæðisrétt og er ekki stjórnarmaður.

Tillaga 9 samþykkt óbreytt.

10. Lagt er til að núverandi 17. gr., verðandi 18. gr. verði breytingartillaga nr. 7 samþykkt, orðist svo:

„Nefndum, deildum og ráðum ber að fara eftir sérstökum starfslýsingum sem samþykktar eru af stjórn félagsins. Stjórn endurskoðar starfslýsingar eftir því sem þurfa þykir, að fengnum umsögnum eða tillögum frá viðkomandi nefndum. Stjórn skal samþykkja starfslýsingar á fundi sínum.

Tvær breytingatillögur komu fram

Breytingatillaga 2: „Orðin „og birta þær á vef“ bætist við tillögu laganefndar.

Breytingatillaga 2 var samþykkt

11. Lagt er til að starfslýsing fyrir stjórn Sörla verði fjarlægð úr lögum félagsins.

Tillaga 11 samþykkt óbreytt.
